

Zavod za informatiku i statistiku Kantona Sarajevo

Ulica Reisa Džemaludina Čauševića 1

kojeg zastupa direktor Dino Šehović

ID broj: 4200662290002

(u daljem tekstu Kupac)

i

"SPRŽO COMPANY" d.o.o. Sarajevo

Ulica Carina 45, 71000 Sarajevo, ID broj: 4200010970001

koju zastupa direktor Mehmed Spržo (u daljem tekstu Prodavac)

zaključili su

**UGOVOR
o građevinskim radovima u server sali Kantona Sarajevo**

Član 1.

Ovim ugovorom ugovorne strane utvrđuju prava i obaveze vezane za nabavku, isporuku i ugradnju materijala i pripremnih radova uređenja server sale u skladu sa ponudom od Prodavca broj: 20/20 od 10.01.2020.godine, dostavljene po pozivu za ponudom za predmetnu nabavku putem direktnog sporazuma. Prodavac se obavezuje izvršiti prodaju, isporuku i montažu robe iz stava 1. ovog člana Kupcu, te izvršiti pripreme radove uređenja server sale prema prihvaćenoj ponudi, a Kupac izvršiti plaćanje svih roba i radova prema odredbama ovog ugovora, a u skladu sa cijenama koje su date u gore navedenoj ponudi, koja je sastavni dio ovog Ugovora.

Član 2.

Ukupna ugovorena vrijednost ovog ugovora, a prema jediničnim cijenama i kvalitetu prihvaćene ponude broj 20/20 od 10.01.2020.godine iznosi:

Ukupan iznos bez PDV-a:	5.595,22 KM
PDV 17% :	951,19 KM
Ukupan iznos sa PDV-om:	6.546,41 KM

Slovima: (šest hiljada pet stotina četrdeset šest i 41/100)

Član 3.

Pripremi radovi na uređenju server sale i isporuka materijala iz člana 1. ovog Ugovora izvršit će se odmah nakon potpisivanja ugovora i dostavljanja narudžbenice od strane Kupca, po količinama iz prihvaćene ponude a najdalje u roku od 15 dana od dana važenja ugovora.

Član 4.

Kvalitativni i kvantitativni prijem proizvoda iz ovog ugovora Kupac se obavezuje obaviti odmah po prijemu robe. Ukoliko se utvrde kvantitativne razlike, odnosno utvrdi se oštećenje primljenih proizvoda ili ako se ustanovi da kvalitet robe ne odgovara uzorku dostavljenom po pozivu, Kupac će sačiniti komisijski zapisnik kojeg će u roku od 3 dana dostaviti Prodavcu radi prihvatanja ili odbijanja reklamacije uz dostavljanje argumenata za odbijanje iste.

Član 5.

Prodavac je dužan da odmah po dobijanju zapisnika sa utvrđenim nedostacima, provjeri istinitost predočenih navoda i ukoliko se potvrdi tačnost iznesenih argumenata, dužan je "odmah" a najduže u roku od 48 sati otkloniti nedostatke (izvršiti zamjenu).

Ukoliko to ne učini Kupac zadržava pravo da u roku od 24 sata jednostrano raskine ovaj ugovor i o tome pismeno obavjesti Prodavca, a isporučenu nekvalitetnu (neadekvatnu) robu vrati prodavcu.

Također, Kupac zadržava pravo jednostranog raskida ugovora ukoliko se utvrdi da prodavac ne poštuje rokove isporuke robe, odnosno ukoliko utvrdi da Prodavac svjesno krši bilo koju ugovorenu stavku ovog ugovora.

Član 6.

Prodavac se obavezuje priznati reklamacije na kvalitet robe koja će biti popraćena odgovarajućom dokumentacijom-zapisnikom, uz obavezu navođenja broja i datuma otpremnice i računa Prodavca, kako bi se zadovoljili uslovi reklamacijskog roka od 8 dana.

Član 7.

Prodavac će fakturisati isporučene proizvode po cijenama iz ponude broj 20/20 od 10.01.2020.godine, prihvaćene po pozivu za predmetnu nabavku.

Član 8.

Kupac se obavezuje platiti fakturu prodavcu u zakonskom roku od 15 dana od dana prijema fakture.

Član 9.

Ugovorne strane su saglasne da će izmjene i dopune ovog ugovora regulisati u skladu sa važećim zakonskim odredbama.

Član 10.

Ovaj ugovor se počinje **primjenjivati danom potpisivanja**.

Član 11.

Ugovorne strane mogu jednostrano otkazati ugovor pismenim putem sa otkaznim rokom od 15 dana.

Član 12.

Za sve sporove koje ugovorne strane ne budu mogle riješiti sporazumno, prihvataju nadležnost Suda u Sarajevu.

Član 13.

Ovaj ugovor sačinjen je u 4 istovjetna primjerka od kojih po dva primjerka pripadaju svakoj ugovornoj strani.

KUPAC:

Zavod za informatiku i statistiku

Mr.Dino Šehović

Broj: 26-11-8649-1/20

Datum: 26.03.2020. godine

PRODAVAC:

"SPRŽO COMPANY" d.o.o.

Direktor:

Mehmed Spržo

Broj: 38/A

Datum: 26.03.20